



ODLUKA
O DODJELI PRIZNANJA
„PLAKETA GRADA SARAJEVA“
(radni materijal)

Predlagač: Komisija za izbor i imenovanja
Obrađivač: Gradska služba za Gradsko vijeće

Sarajevo, februar 2019. godine

Na osnovu člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08), kao i na osnovu člana 8. Odluke o priznanjima i nagradi Grada Sarajeva („Službene novine Kantona Sarajevo“, broj 34/10, 14/14 i 31/14), Gradsko vijeće Grada Sarajeva, na sjednici od _____ godine, donijelo je

ODLUKU
O DODJELI PRIZNANJA
„PLAKETA GRADA SARAJEVA“
(radni materijal)

Član 1.

Dobitnik priznanja „Plaketa Grada Sarajeva“ je *Ivo Štandeker, posthumno.*

Član 2.

Priznanje se dodjeljuje u obliku *Svečane diplome.*

Član 3.

Priznanje se uručuje na Svečanoj sjednici Gradskog vijeća Grada Sarajeva.

Član 4.

Ova Odluka stupa na snagu danom donošenja, a objavit će se u «Službenim novinama Kantona Sarajevo».

PREDSJEDAVAJUĆI GRADSKOG VIJEĆA

Dr. Igor Gavrić

Broj: 01-GV-02- /19

Datum: _____ godine

OBRAZLOŽENJE

PRAVNI OSNOV

Pravni osnov za donošenje ove odluke sadržan je u članu 26. stav 1. tačka 18. Statuta Grada Sarajeva, kojim su utvrđene nadležnosti Gradskog vijeća Grada Sarajeva za donošenje Odluka o priznanjima i nagradi Grada Sarajeva. U članu 8. Odluke o priznanjima i nagradi Grada Sarajeva („Službene novine Kantona Sarajevo”, broj 34/10, 14/14 i 31/14) je propisano da je Plaketa Grada Sarajeva Priznanje koje se dodjeljuje građanima Bosne i Hercegovine, stranim državljanima, privrednim društvima, ustanovama, udruženjima građana i drugim pravnim licima za doprinos razvoju Grada u oblastima privrede, kulture, obrazovanja, nauke, zdravstva i drugim oblastima života i rada.

Odredbama člana 15. stav 2. Odluke o priznanjima i nagradi Grada Sarajeva propisano je, između ostalog, da Gradsko vijeće donosi odluku o dodjeli priznanja, a odredbama člana 12. i 13. Odluke o priznanjima i nagradi propisani su ovlašteni predlagači (između ostalog i vijećnici Gradskog vijeća Grada Sarajeva) i sadržaj prijedloga.

RAZLOZI DONOŠENJA

Klub gradskih vijećnika Naše stranke uputilo je Komisiji za izbor i imenovanja Gradskog vijeća Grada Sarajeva prijedlog da se Ivi Štandekeru, dodjeli Priznanje „*Plaketa Grada Sarajeva*“, *posthumno*. Podneseni prijedlog sa obrazloženjem, u prilogu je ove Odluke.

Komisija za izbor i imenovanja Gradskog vijeća Grada Sarajeva je razmotrila prijedlog, te utvrdila Prijedlog Odluke i uputila ga Gradskom vijeću na razmatranje.

RJEŠENJA IZ PREDLOŽENE ODLUKE

Usvajanjem ove odluke Gradsko vijeće u članu 1. dodjeljuje Plaketu Grada Sarajeva, a u članu 2. određuje da se Plaketa dodjeljuje u obliku svečane diplome. U članu 3. se naglašava da se Priznanje uručuje na Svečanoj sjednici Gradskog vijeća. Članom 4. je definisano stupanje na snagu usvojene odluke i obaveza objavljivanja u „Službenim novinama Kantona Sarajevo”.

SREDSTAVA ZA PROVOĐENJE ODLUKE

Sredstva za provođenje ove odluke se osiguravaju u Budžetu Grada Sarajeva.